

## Te Pūtātara a te whānau Te Kura Kaupapa Māori o Wairarapa

Wāhanga Ako 1, Wiki 3 o te 11

11 o Huitānguru 2020

Nau mai hoki mai whaea Kiri, whaea Deborah rātou ko a tātou tau ngahuru o te Wharekura. E ai ki ngā rongo kōrero i mīharo katoa tō koutou haerenga.

*Welcome back to whaea Kiri, whaea Deborah and our year 10 students. By all accounts you all had an amazing time.*

Ka nui ngā mihi ki te whānau i haere mai ki te tautoko i tērā o ngā kaupapa whakahirahira i ngā rā whakatā, arā ko te whakahokinga o Pūkaha ki a Rangitāne. I reira ngā tini whetū o te Wairarapa, o Tāmakinui ā-rua anō hoki. Ka noho hūmārie tēnei i te hiranga o te kaupapa nei me taku anō rongo i te hōhonu o ngā kare ā-roto o te iwi i te whakahokinga o tō rātou whenua (ahakoa he wāhanga pakupaku noa) ki a rātou.

*A huge mihi to the whānau who turned out to support the return of Pūkaha to Rangitāne. There was a great turn out from Wairarapa and Tāmakinui ā-rua. I for one was humbled by the importance of this occasion and the depth of emotion I felt with the returning of this land (despite it only being a small portion) to the iwi.*

Anei anō ngā mihi ki tō tātou nei kapa a Rangiuira. I tū whakahīhī te iwi i a koutou i tō koutou whanotū i te Rātapu. Mehemea e pērā ana te pai a te rua wiki, nau mai haere mai Matatini!

*A big mihi also to Rangiuira. We all stood proud at your dress rehearsal on Sunday. If your stand is anything like that in two weeks time, then Matatini here we come!*

Kei te rapu mātou i ētahi mātua e wātea ana ki te whakarite parakuihi mō a tātou tamariki i ngā ata. Mehemea ko koe tēnei, haere mai ki te kōrero tahi ki a whaea Pip. Mā pango, mā whero, ka oti ai te mahi.

*We are looking for some whānau who would be available to get breakfast ready for our tamariki in the mornings. If this is you then please come in and have a kōrero with whaea Pip.*

Nā whaea Pip

### Te Akomanga o whaea Kiri

I tērā wiki i haere ngā tau 10 ki Waitangi. E 2 ngā rā i patu rori mātou, tino roa te noho mā runga i te wēne. I moe mātou ki Tamaki Makaurau, kātahi ka peka atu mātou ki Waitangi. Ka whakatū tēneti mātou ki te taha o te wairere o Haruru, te ātaahua hoki. Ka rongo i te rere o te wairere nei i te pō, i te ata hoki, ā, me he oriori.

I te Rāapa i oho tino moata mātou, i te 3.30am. I tae mātou ki Waitangi i te 4.30am mō te whakatūwheratanga o te whare maumahara i ngā hoia a Te Hokowhitu-ā-Tū. Ka whai whakaaro mātou mō Koro Epineha Rātapu. I kimi hoki mātou i tōna ingoa ki runga i te pakitara i roto i te whare. Nō reira he mihi aroha tēnei ki a rātou i tū ki te mura o te ahi mō tātou herekorenga, tēnā koutou katoa. Kātahi mātou ka patu rori anō ki Te Rerenga Wairua.

I te Rāpare i oho moata anō mātou, i te 3.30am mō te karakia o te ata ki Waitangi. I reira te Pirimia, a Jacinda Adern. A muri mai i te karakia ka tunu parakuihi ā whaea Jacinda, ā, ka whai haere ngā tauira i a ia. Ka tango selfie a Jacinda me rātou, mīharo! I tūtaki hoki ngā tauira i a John Campbell, tino wewehi a John ki a tātou tauira. Ka uiui ia i ngā tauira i runga i te pouaka whakaata! He rawe!

I te Rāmere peka atu mātou ki te pā o Ruapekapeka. He wāhi rongonui mō tētahi pakanga o ngā Māori ki ngā pakehā i ngā rā o mua. Ko tēnei te pāhoro a Te Ruki Kawiti rāua ko Hone Heke. Hīkaka katoa ngā tauira ki te ako i te hītori o tēnei wāhi. Ā muri mai hoki atu mātou ki Tamaki Makaurau. I haere ki te taone nui ki te matakitaki kiriatā. A muri ake i hikoi mātou ki tētahi wāhi kai ki te Viaduct, he tino reka ngā hamupeka o tēnei wāhi kai.

I te ata waimarie mātou ki te tūtaki i a whaea Pania Newton ki Ihumaatao. Kaha ana ia ki te whakaohooho i a mātou ki te tū hei kaitiaki mō ō tātou whenua. Tangi ana te ngākau i te rongo i āna kōrero pōuri me te mahi a te Karauna ki tēnei whēnua, nā reira e te whānau, kia kaha tātou ki te tiaki i te whenua.

Tino poho kereru ana māua ko whaea Deb i ngā whānonga rawe me ngā āhua ātaahua a ngā tauira mō te wiki katoa. Nui te mihi, te aroha hoki ki a rātou e tū rangatira hei raukura mō te kura nei. Tūmeke kē rātou katoa!

Mihi nui Whaea Kiri

## NGĀ KAUPAPA E TŪ MAI NEI

### Huitānguru

12	Haka practise for Kahungunu regionals at Makoura college 9-10am.
12	Ātaarangi class with Nanny Paremo 10-11am
19	Haka practise for Kahungunu regionals at Makoura college 9-10am.
19	Ātaarangi class with Nanny Paremo 10-11am
21	Pōwhiri for Kahungunu Regionals. Assemble 9.15am at Colombo Rd Netball Courts
22	<b>Kai stall at Kahungunu Regionals – if you have an hour to spare, please come and help out.</b>

### Te Ataarangi Classes with Nanny Paremo

Every Wednesday 10am – 11am in 'Kourarau' at kura

Kura Pahi 027 913 4924

### Kōhanga Reo Transition

Starts this Friday 9am -11am

Tamariki need to be accompanied with an adult.

### Kura Health Clinic Years 1-8

Mondays in sick bay at Kura.

### Makoura Health Clinic Years 9-13

Mon - Nurses Clinic 9am-1pm

Weds Doctors Clinic 9am-12.00pm

### Te Aho Matua – 1. Te Ira Tangata

Ko te ngākau te mata me te kuaha o te wairua. Otirā, ko te whiu o te kupu, ko te wero, ko te riri, ko te aroha, ko te hūmārie, me ēnei āhuatanga katoa he mea kuhu ki te ngākau titi tonu ki te wairua. Koia nei te tīmatanga o te kōrero 'kia ngākau māhaki'. Ma tēnei hoki ka tika te kōrero 'He oranga ngākau he pikinga waiora.



## Hākinakina

From week 4 onwards school sports will commence, including tee ball, modball, softball, touch-rugby, ki-o-rahi, rippa rugby and tapu ae. Also **inter-school swimming sports** will be held in early March, please enquire to myself or the tari if you wish to enter your tamariki into this event. If you are available to play a supportive role to our teams, **e.g. coach** please do not hesitate to contact either Whaea Lou in the tari or myself. Please enquire at the tari or to myself.

Ngā mihi  
Hone Vella  
0273622809

## Curriculum Review and Whānau Hui

We need your input! The first of our hui to talk about our curriculum and what you want for your tamariki is due to be held this Thursday at 5.30pm. Hui this week is for **Maungarake** whānau – kai will be provided and tamariki are welcome. All hui will take place in Te Puke (classroom nearest the road in the office block).

**All hui dates are as follows:**

Maungarake – Thursday 13 Feb at 5.30

Rangitūmau – Thursday 20 Feb at 5.30pm

Taratahi – Thursday 5 March at 5.30pm

Tararua – Thursday 19 March at 5.30pm

Te Maipi – Thursday 5 April at 5.30pm

We look forward to seeing you. If you have any questions or want to know more please come in and see whaea Pip.

# Te Haerenga ki Waitangi





Pānui ā-whānau 4